

續行水金鑑

地710

2254-2

新三:16



續行水金鑑卷第二十九

河水 章廣二十六



嘉慶五年二月初二日康基田奏邵家壩漫工合龍後因凍土滲漏過水臣在壩督同道將弁兵連夜儻修功屆垂成忽於正月二十七日夜半西北狂風大作至丑刻勢更猛烈瞥見大壩上游運料船上失火乘風隨溜漂淌而下直撞大壩隨率令將弁兵夫飛速搶救多用長篙將船竭力抵開無如壩頭料物山積悉皆引火之物登時延燒二十餘丈引溜過水而被燬之船隨溜漂淌壩下陡入回溜逆旋衝至西壩根火乘風勢撲上壩頂到處延燒臣思壩身皆係稽糞

續行水金鑑卷二十九

河水一

築成烟煤串入壩心無從撲救督飭兵夫將壩身趕爲挖斷以期截住火勢不意將土刨開挖見稽糞火燄卽從壩心透出在壩官弁兵夫數千人無不效死爭先撲救倉猝之際有銅沛營協辦陳本立蕭礪營目兵張朴等冒火赴救爲烟所逼落水淹斃計撲救兩晝夜之久至東壩挖開深大溝槽直至水面始截斷火勢臣同道將各官於喘息稍定後率同廳營各員上下逐細查勘應於大壩後再築新壩卽以舊壩作爲後靠緣壩身雖燬水面迤下埽根深固臨時再加柴土築實雖有大水不能推動新壩亦加穩實辦理較易爲力惟現在餘燼甫熄未敢用料加鑲且近

地料物已搜買淨盡轉瞬桃汛水發更難施工臣等  
虛衷商酌漫水所注毛城鋪滾壩下之洪溝等河面  
係洩水之區時啟時閉皆有河軌可循卽此時堵閉  
斷流大汛時仍須啟放分洩自上冬至今洪澤湖水  
勢日漸消滅高堰誌椿僅存水四尺二寸湖面空闊  
儘堪容納將來大汛盛漲亦有歸江各路可以分洩  
臣再四思維與其補苴於前勞費無益不如俟新稽  
登場再行興辦庶帑不虛糜工歸實用不敢不據實  
上陳仰祈

聖慈訓示遵行至此次壩工垂成猝被火燬出於意料  
所不及而臣及在壩之道將文武各員弁搶救不力  
之咎實屬難辭惟有仰懇

續行水金鑑卷二十九

河水二

天恩將臣交部嚴加議處並請將兩壩掌壩之淮徐道  
田自福河庫道葉雯副將田宏謨參將韓勝及守壩  
辦工之備弁等官一併開列職名送部議處至壩工  
合龍後堵閉滲漏所用錢糧欽遵

諭旨臣名下全行賠出外此次焚燬之壩自應臣率  
同守壩之文武各官不拘常例一體分別全賠以示  
懲儆以昭公允奉

上諭康基田上年辦理邵家壩漫工於合龍後又因凍  
土不能堅實以致滲漏過水已屬玩誤節經降旨諭令  
加倍小心妥爲鑲壓以期壩工鞏固茲據康基田奏購

料堵築口門祇寬三丈復因正月二十七日運料船隻失火乘風隨溜直撞大壩將堆積壩頭料物悉行延燒被燬之船衝至西壩復將該處壩身焚燬近地料物業已收買淨盡難以購用須俟新稽登場再行興辦是康基田種種疎防玩誤辦理不善實難勝河督之任康基田卽著革職畱工効力贖罪所有此次焚燬稽料等項並著落康基田賠償十分之五餘著在工該管官員分股攤賠統俟該處河工全行辦竣康基田應賠銀兩全數交清再行加恩錄用其江南河道總督員缺著吳璥調補所遺河東河道總督員缺著王秉韜補授

南河成案續編

三月初一日吳璥奏臣於二月二十五日接奉

續行水金鑑卷二十九

河水三

廷寄

上諭江南河務敝壞已非一日總因徐城一帶正河日漸淤墊勢成高仰黃水不能暢流下注頻年屢遭潰溢吳璥現在已抵工次惟當實心籌辦務於大汛前將漫口堵築完固斷不可因循遲誤欽此又於本日接奉諭旨工程應需費用不待吳璥奏請現已諭令費淳書魯等於江南省存款及商捐各項內酌量動撥最多不得過百萬之數少亦以四十萬爲度務須樽節支用勿任承辦工員稍有浮冒以期實用實銷方爲妥善欽此

仰見我

皇上痼瘵在抱籌畫周詳自應亟籌儉辦上慰

聖慈以蘇民困惟現在情形種種棘手其萬難趕辦者有五不得不據實上陳於

聖主之前伏查邵家壩漫工臣等逐細查驗口門已跌成深塘測量水深九丈有餘而被燬之壩殘缺傾欹半成灰燼若就舊壩加鑲斷難穩實必須於西壩迤上另立壩基越過舊壩口門形勢方順始能堵合核計壩工約長二百餘丈非月餘所能完竣此壩工之萬難趕辦者一也堵合漫口首在料物應手不致停工以待始能一氣呵成全保雖已奏撥豫東稽料一千垛蔴三十萬觔但料數較多運送非易臣接全保來咨已及半月尙未到境即使此項撥料無誤而所

缺尙多臣奉到初次

諭旨時卽飛飭道府廳營等四處訪覓據稟本省蕭碭等屬及豫東接壤各縣近工百里以內者實已購盡若遠處搜買距工二三百里不等運腳倍增一垛須數垛之價兼之來路愈遠則到工愈緩一遇陰雨泥濘更多遲滯是料物既難多購又難速到且價值過昂亦斷無如此糜帑之理此料物之萬難購辦者二也堵漫口須先挑引河使水有去路方能杜其旁流現在淤墊既厚且遠急辦則不能寬深而妥辦必多需時日臣等沿河逐段丈量除徐城三山頭迤東至桃源縣境幾及四百里俱有河形毋庸估挑外自三

山頭至邵家壩止共一百七十餘里河身淤成平陸  
並無河槽較量舊河身竟高出水面丈許水性就下  
豈能激之上行若欲速抽溝丈尺淺窄不但現今漫  
口難以合龍卽勉強堵閉而正河未暢梗阻依然略  
一長水卽壅與隄平處處危險恐此堵彼潰又蹈從  
前覆轍是挑河乃第一要務有斷不可不認真疏導  
之勢但工長一百七十餘里卽倍集人夫長遇晴明  
亦須兩月餘告竣設遇大雨便須停俟晴霽後戽去  
積水再挑則又遲多日兩月餘尙難蒞事查三月十  
二日節屆清明卽係桃汛轉瞬夏令大雨時行正於  
挑河有礙是以向來大工從無四月後興工之事此  
務現蒙

引河之萬難趕辦者三也至興舉大工錢糧尤爲先  
務現蒙  
皇上天恩不待奏請已

諭令費淳書魯就近撥項仰見

睿算精詳先事豫籌無微不至但兩淮江寧距工八九  
百里江蘇藩庫距二千餘里至速亦須半月兼旬始  
得解工計期已在三月半後卽趕緊挑築亦總在夏  
雨正多汛水長發之時貽誤之勢十居八九此錢糧  
節候之萬難趕辦者四也抑臣更有慮者此時青黃  
不接料物本貴又須遠處採購勢必價增數倍而挑  
河限緊工繁夫價亦必昂貴且恐工未得半一經雨

淋水漲不得不停則前功盡棄又將虛擲金錢帑項攸關何可孟浪從事此經費之大應慎重籌計者又其五也臣旬日來與道將等虛衷講求並採訪輿論通盤籌畫晝夜圖維竊思邵工一日不堵災黎一日不安且速竣則早紓

宵旰緩辦則自蹈愆尤苟可勉力又安肯舍功就過况國用繁多因緩辦而滋賑費臣若竟不籌及豈復具有人心但冒險償工必致半途償事是已潰之災區仍無裨益而現籌之帑項轉又虛糜其費愈多其害愈大不得不據實瀝陳仰懇

天恩俯准將邵家壩漫工緩至秋汛後再行興築俟費

續行水金鑑卷二十九

河水六

淳到工先將銀款會同籌辦再將一切工料事宜撙節核實次第經理並下游歸江歸海各路及洪澤湖高堰要工如何設法防守之處悉心妥議另奏

南河成案

續編

是日吳璣又奏臣奉

上諭邵家壩漫工被火延燒實屬可恨此事情節大有可疑卽如摺內稱瞥見大壩上游料船失火乘風漂淌直撞大壩致壩工料物盡行焚燒料船失火豈無水手舵工在內何至乘風漂淌卽常川在工次照看料物者亦不乏員弁兵夫竟何以不能搶救而被燬之船又何以適撞東西兩壩俱致延燒向來河工員役弊竇甚多

此次料船失火或竟係該處壩工存料多有虧缺工次員役等恐被查出獲罪私行放火焚燒裝點情節以爲掩飾詭避之計向聞康基田性情剛愎或待工員苛刻致伊等心懷積怨竟將料物焚燒冀圖傾陷康基田使之獲罪均未可定吳璫現係該處河督若不查明懲治何以儆戒將來務須徹底嚴查如有前項指出情弊究訊明確若係兵夫則一面正法一面奏聞若係員弁則一面鎖拏一面請旨正法以示懲儆至康基田素日操守尙好此次壩工失火諒非伊有心裝點是日伊究在何處儻竟有爲屬員彌縫掩飾情事亦卽嚴行參奏常川在工照看料物係屬何員亦應查參治罪毋得稍有徇隱其康基田所請交部議處各員俟吳璫查覆到日再行核辦欽此伏查歷次大工料廠失火事所常有壩身被燬實所罕聞茲奉

諭旨指示各情節誠屬大有可疑如果竟有前項情弊實爲理所難容法所不貸若非大加懲治何以儆戒將來臣恐河工人員扶同徇隱詢訪未能得實查有未經到工之徐州府知府鰲圖平日聲名正直可靠當經密札該府詳細訪查復密札豫省接壤之商虞廳汛人員互相印証現據稟覆實係料船失火風大延燒並無放火別情稟甚切實並於沿途遇有商販民人自工散歸者卽面爲詢問亦復相同臣親赴該



壩逐細查看形迹燒燼埽工現俱殘缺焦爛其撲救時挖斷溝槽並燒賸之船底板片亦有撈存在灘者且事已匝月臣在壩上尙親見埽內忽有冒烟者數處實屬可怪隨又摘提常川在工之弁兵居民人等隔別研訊眾供歷歷如繪緣是夜有船一隻上堆積糝等物停泊東壩因船上燈籠燒著立時火延料物風勢狂猛火頭卽四處飛開官員兵役連忙往救而東壩散堆料物並壩身埽心業已烈焰飛騰東壩距西壩口門僅寬三丈西壩有鋪成大埽高七尺五寸卽在臨河壩頭火焰乘風撲上其時失火之船尙未淌至西壩卽已延燒隨後此船又打入回溜靠至西

壩因之壩心亦被烟煤串入同時焚燬是晚康基田住在東壩當率兩壩官兵多用桶斗戽水澆撲而風狂火猛竟如杯水車薪且壩身被焚難以立足更無從著手此兩壩被燬之實在情形也臣查此事由船上失火延燒兩壩並無虛捏惟此船本在東壩前被火燒斷纜繩隨回溜漂至西壩並非由上游乘風淌來適撞兩壩康基田原奏由上游漂淌而下因倉皇驚擾之際未及詳細查明致起火情形稍有未符誠如

聖諭豈無舵工水手在內何至乘風漂淌又何以適撞東西兩壩此原奏聲敘未能明晰之原委也至工次

員役或因存料虧缺放火掩飾一節最關緊要臣細加查究若料廠存貯之料與報買之數多寡不符則須燒燬滅跡使無可查對此次康基田因錢糧短少不能豫爲多備存貯料廠之內陸續購買卽堆壩上隨時應用是以廠內並無存料計兩壩僅有料四十六堆寥寥可數蘇櫛更屬無多是料數旣無可掩燬去亦屬無益其非放火舞弊實無疑義至康基田性雖剛愎不理人口而皆知其並不要錢且在工半年有餘勞瘁憂憤屬員亦頗道其苦尙無積怨似不至竟有傾陷情事惟料戶因欠銀未償怨者頗眾然臣查是日壩上官料無幾而未售之民料堆積甚多其時同被焚燬是料戶又斷無放火自害之理層層根究徹底推求實無別項情弊且據兵民人等僉稱是夜風大火驟頃刻間到處焰起有無數火球飛出千人共見竟有難以撲救之勢但在壩文武官弁旣不能先事巡防又不能卽時搶救疎懈之咎實無可辭所有此次被燬料物應遵

旨著康基田及在工各員全數分賠外其康基田原參之淮徐道田自福副將田宏謨參將韓勝俱係在壩督率之員仍應請

旨交部議處至河庫道葉雯係本年正月十八日始奉調來工卽經康基田委赴唐家樓開發料價不但失

火之日並不在壩卽以前亦未在工辦事壩工被燬一節實與該道毫無干涉臣不敢不秉公奏明可否免其置議出自

皇上天恩其餘派委在壩照看料物各員弁容秉公查明另開職名送部議處奉

上諭吳璫奏邵家壩漫口已跌成深塘必須另立壩基錢糧料物未能應手轉瞬夏令雨水時行難以挑挖引河各情節皆朕所深悉若此時冒險僨工必至半途僨事豈有將帑項虛擲之理邵家壩工祇可緩至秋汛後再行興築但壩工堵禦尙需時日則全河之水灌入洪澤一湖豈能容納而河底淤高將來大汛時清黃並漲

高堰石工皆成險要淮揚一帶所關非細已節降諭旨令吳璫畱心慎重此時壩工旣須於秋汛後築辦該河督竟當親赴高家堰查勘該處石工豫爲設法防護以期萬分穩固方爲有備無患現在徐城一帶河身高仰未能及早疏通並所築壩工失火焚燬皆歷任河臣及康基田之咎與吳璫無涉若高堰壩工稍有疎虞則係吳璫任內之事吳璫恐不能當此咎也其南河下游歸江歸海各路及一切工料事宜亦當會同費淳悉心酌議妥協辦理又另摺查奏邵工大壩被燬一事吳璫先令知府鼇圖到工密訪又親赴該壩逐細查勘實係料船失火延燒東西壩頭並無別故鼇圖人尙正直諒不

致飾詞捏稟而吳璥身任河督經朕密飭嚴查亦斷不敢稍存隱飾代人受過但此事疑竇正多朕早已密爲查訪或於出差經過之人或於該省及鄰境各員奏摺內批令密查卽軍機大臣亦不得與聞想吳璥無從豫訪若果有燒燬滅迹之事斷難始終掩飾吳璥此奏雖查無情弊或此後續經訪得確情不妨據實陳明不可因有此奏稍存回護若無其事亦不必有意周內至康基田身任河督於南河下游高仰之處不思及早設法疏濬任其淤塞及至邵家壩漫口後康基田不能鑲築堅實合而復開茲又疎於防範燒燬壩工且其性剛愎辦事苛細不理人口又不將漫工情形據實奏明致滋

貽誤實屬罪無可辭本應將康基田在工處所枷號示懲姑念伊操守尙好且因現辦軍務糜帑過多不敢懇請發給帑銀各處挪貨應用在工勞瘁憂憤亦覺可憫康基田酌加恩免其枷號著隨同吳璥實心經理工程何處緊要卽令康基田前往承辦如果認真出力俟壩工合龍後吳璥不妨據實保奏候朕酌量加恩儻仍前貽誤必將伊永遠枷號決不寬貸此一節著吳璥面傳康基田知之至摺內稱辦理漫工晝夜圖維幾至寢食俱廢等語吳璥不過承辦一處河工卽如此焦急若朕籌辦軍務繫念河工且日理萬幾於吏治民生在在均關廬念宵旰憂勞吳璥試思朕之焦急憂愧爲何如該

河督總當盡心籌畫期於河工有裨轉不必過事悚切

也 南河成案續編

五月

上諭內閣河工省分各設廳汛員弁專管修防其地方守令無兼河之責者原不應派令辦理河務乃聞近來遇有堵築挑濬大工多藉幫辦爲名調派州縣令其貼解銀兩並將上司應賠工程亦令州縣代賠以致派累百姓挪移倉庫本任地方職守且多曠廢著直隸江南山東河南各督撫及河道總督等通行禁止嗣後辦理河工祇准調派丞倅雜職等官不得再派州縣致滋弊

竇

皇帝聖訓 睿

續行水金鑑卷二十九

河水 三

六月二十四日吳璥奏河工保衛民生每年需費甚鉅但用所當用固不可靳費誤工而省所當省亦必應實心慎帑臣自到任後往來河干細察形勢與淮揚道和騰額候補道沈啟震及參遊廳員中之熟練任事者公同商榷凡有可設法樽節而仍於要工有裨之處謹就管見所及慎重酌籌陳請

聖訓查江境黃河自豫東交界至山安海防以下入海  
繇巨八百餘里河性曲折奔流每多坐灣之處埽工衝刷隄身不得不趕鑲埽壩以資保護但每處埽工少則工長數十丈至數百丈多則動以千丈計江南黃河兩岸埽工共九十一處鱗次櫛比每年三汛各

段蟄塌卑矮在在皆是勢不能不拆修加鑲一遇溜湧勢險晝夜搶築費更不貲工愈多則費愈大此歷年錢糧多用之實在情形也臣思欲力求節費之方必先籌減工之法因查從前頂衝迎溜之埽工後有越隄可靠者卽將越隄再爲加築堅厚於冬春之交挑挖倒溝徐徐挹注進黃出清使前後兩隄內之空塘灌滿停淤卽可填實埽工不致喫重名爲放淤其次年搶險工程卽可減少如南河之賈家莊七里溝朱家壩等處經前河臣具奏放淤歷有成效上年山東曹工大壩危險異常臣於五月奏明放淤得保平穩親身經歷明驗現在南河之邳北宿虹睢南外河等廳屬各工內卽有可做照而行者自應度勢因時妥爲酌辦此化險省費之一法又黃河險工總在溜勢坐灣側注之處而溜注於此則必灘淤於彼是以凡有險工其對岸必有灘嘴挺出河心若能於對岸灘上挑挖引渠一道使大溜由彼直趨而下則坐灣者無灣受險者卽可免於險矣惟挑挖引渠必河頭實有吸川之勢始能引其溜勢易地而趨原非處處險工對岸皆可取直然其中亦有可酌辦之處現在邳壩尙未堵合自銅沛至桃源各廳四百餘里內河身皆已乾涸正可乘時相機趕辦臣曾履勘兩岸如邳睢桃源等屬卽有可以挑挖河槽使溜勢開行處

所此又逢灣取直可期節費之一法以上所籌辦法如能妥爲經理在此時幫築越隄抽挑河槽需用尙屬無多卽可於各該處本年修工項內動支不使格外多費至此後每年錢糧皆可節減其所省奚啻倍蓰少一處險工卽少一處費用分計之所節有限合計之則所節甚多且屆大汛時險要之工較少卽搶護之力愈專不惟用多擲節亦且化險爲平似於河工大有裨益現在先委道將等逐細確估將應行幫隄挑渠各工切實估計臣仍當親往覆勘並會同督臣費淳詳慎酌定將必應料理之工再行遴員分別先後慎重興辦詳奏至將來合龍後疏導去路順勢

保隄各事宜凡有可利益河防之處正須逐一講求容與督臣費淳及道將等盡心籌畫隨時陳奏次第舉行奉

上諭費淳吳璥奏稱清口迤東入海之路甚爲迅駛運河亦分洩暢行五壩石脊上僅過水一尺五寸高堰誌椿出水尙有八尺三寸等語此皆仰賴

上蒼垂佑

河神默助欣慰之餘益深欽感俟該督等奏報秋汛安瀾時尙當敕發藏香前往虔答

神貺並將該督等酌加恩敘現屆秋汛爲日方長該督等當倍加敬慎實力宣防毋得稍存自滿之念至吳璥

另摺所奏察勘南河工程有應行放淤化險及逢灣取直之處酌議籌辦一事黃河水性靡常全在隨時相度機宜因勢利導朕斷不爲遙制卽在廷臣工並未身親其境亦難以懸揣情形率行擬議惟在該督等度量地形博採輿論妥協經理毋得師心自用方爲不負委任至黃河漫溢自古爲然我朝

列祖

列宗飭令河臣開挑引渠加築隄堰工程不知凡幾所費金錢不啻幾億萬萬計蓋以河防一事原所以保衛民生偶遇潰溢不獨居民漂溺堪虞卽有遷徙高阜者其室家田畝皆已淹浸仍不免流離失所以國家不

續行水金鑑卷二十九

河水五

惜多費帑金鳩工集料並設立河工大小文武官員分防經理無非爲小民籌及萬全期於安堵總司河務者如果平日加意隄防河流自然順軌卽或偶有漫溢之事能趕緊堵築俾帑項不致多費工程克臻穩固實所深願卽或費用較多但能爲小民保護無虞帑金原所不靳若河員等平日捏報險工侵欺入己而於辦理要工時又復偷工減料任意冒銷以致屢築屢蝨如近日參辦河工員弁莊剛劉普等爲河工積蠹旣將該犯等案律治罪其子孫所捐官職亦一并斥革是伊等侵冒錢糧貽害百姓旣爲國法之所不貸卽爲天理之所不容嗣後河工大小文武各員務當滌慮洗心力改從前



陋習如能各矢天良認真辦理爲民捍患不但身受國  
恩子嗣亦必蒙福儻仍前玩工侵帑殃及黎民本身卽  
倖逃法網其孽報必在子孫民命至重不可不倍加警  
凜莊剛劉普等卽其前車之鑒也將此通諭知之

南河成案

續編

七月吳璣岳起奏剔除河工積弊五款 一參遊非  
奉委不得估工 一營弁不得經手辦料 一歲料  
價銀早發須驗後方准動用 一大工正雜料例價  
不敷酌加幫價以免通融報銷 一報銷核減銀不

得找領

南河成案續編今案四款議  
准其幫價攤廉議駁詳見下

八月初五日費淳吳璣奏邵家壩漫口因霜降前水

續行水金鑑卷二十九

河水去

力尙旺未敢遽議興工而料物引河二事必須豫爲  
籌辦蓋壩工用料繁多非一時所能畢集及早綢繆  
始得應手查附近邵工之蕭場等屬多係被水之區  
稽料不能種植下游各屬河路未通距工又遠挽運  
腳費更大惟邵壩對岸近工地方尙可採購但爲數  
無多亦不敷用各料戶大半由附近江境之豫東地  
方販運而來居奇勢所難免臣等熟籌在木工設廠  
招集外必得委員於豫東連界處所分設數廠庶料  
戶有各路牽制尙不至逞其壟斷之計是以七月間  
卽遴派丞倅等官領銀赴豫東之曹單商虞並江境  
之豐沛等縣分投設廠講定價值採購運工約計八

月內可以陸續運到總須開工之前積有五六成則興工以後即可源源接濟其纒麻櫛木穰草繩纜等項雜料亦係同時需用缺一不可而纒麻一項江境止有邳州一處零星種植所產甚少亦於七月間委員前往東省之曹單豫省之西華扶溝等縣產纒處所分投採買其餘各雜料並經委員四出購辦至壩工堵合之難易尤在引河挑濬之通塞必須寬深無阻勢若建瓴庶舊河易通而新壩不甚著重今自邵壩至徐城三山頭止淤墊一百七十餘里若一律加寬加深工費過大臣等督率道將府廳等擗節確估其引河頭爲掣溜復歸故道之處長二千五百餘丈

自須將口底倍加寬深俾放河時得吸川之勢迤下至石林工四十餘里積淤尙高祇可量爲遞減石林工至三山頭一百二十餘里地勢稍低寬深又可酌減祇令擇要估挑如此分晰勘辦以定淺深寬窄之分錢糧尙不至多糜而土方業已不少以土數按日核算趕緊辦理亦須兩月餘方能完竣間遇陰雨尙須停待是必須於築壩前先行趕辦現交仲秋引河已可施工先派令道將大員核算土方劃分段落共計一百二十餘分派委河工廳員佐雜守備千把等一百二十餘員掣籤分段承挑卽令各赴工次製辦器具雇募人夫於是月開工庶日期寬展不致草率

遲延此外如總局料廠掌管兩壩總查引河一切應辦要務現在悉心籌酌次第經理一俟水勢大定高堰一帶實可放心臣等卽赴邵工駐劄親身督辦

成案續編

是月十二日費淳吳璥岳起荆道乾奏臣費淳臣吳璥欽奉

上諭軍機大臣議覆吳璥等剔除河工積弊各款及攤賠幫價一摺現已依議行矣幫價一摺著落漫口應賠各員認賠四成該工員等平日疎防以致隄工漫溢自應照股攤賠若以六成攤扣江蘇安徽各官養廉則兩省大小官員等或虧缺庫項或派累閭閻轉得有以藉

續行水金鑑卷二十九

河水

口前經降旨不令地方官幫辦河工原爲豫防流弊起見今吳璥等以目今料物價值較前昂貴運料愈遠愈費而額定九毫例價連採買運腳在內不敷購辦雖係實在情形然如吳璥等所奏攤扣上下江兩省官員養廉與前降諭旨不符自難據議准行而現在要工需料緊急又難刻緩其應如何設法措辦之處仍著費淳等會同該河督及上下江巡撫公同籌畫速行妥議具奏欽此仰見我

皇上塵念要工於體恤之中仍寓防微之意伏查安徽省鳳陽泗州宿州盱眙靈璧等屬俱係淮河濰河洪澤湖經由地方亦有河務每年湖河順軌安瀾各工穩

固上下兩江並受其福初無畛域之分今邵家壩漫口尙未堵合時刻上塵

宸衷而南河自禁革地料後官辦運工額定每斤九毫之價連採買運腳在內實屬不敷向因工程緊要但求料物應手不能再計價值往往加至二三倍不等均係設法補苴非若豫東兩省可以循案奏明加價三四釐分別攤徵攤捐卽雜料蕪麻及杉椿柳檣各項近今市價幾多至兩倍而南省報銷亦不能額外稍增此係實在情形是以奏請將幫價一項著漫口各員認賠四成照股分攤其餘六成請於江安兩省督撫司道府州縣并河道總督暨河工道員丞倅養

廉內均勻攤扣茲經軍機大臣議覆欽奉

諭旨仍著臣等籌畫妥議具奏臣等悉心籌酌今昔情形迥不相同現在辦理邵工採辦料物最爲緊要不得不議加幫價以期安速集事而所幫之價旣斷無報銷正項錢糧之理江省又不可創起攤徵之例惟有仿照豫東兩省各官捐廉成案事尙可行雖應攤幫價現在未能豫定確數然約略計算除漫口各員認賠四成外其捐廉六成分年攤扣計每年各官所捐不過養廉十分之一在道府以上養廉較厚固屬分所應然其州縣養廉自六百兩起至一千八百兩不等每年僅攤捐數十兩至一百數十兩而止亦斷

不致有藉口虧缺庫項及派累閭閻之事設有不肖之員藉端虧空派累不難隨時訪查嚴參治罪以示懲儆理合恭懇

聖恩俯念工程緊要眾擎易舉仍准將六成幫價於兩省督撫以下各官養廉內按照多寡均勻攤扣於工竣後核計銀數酌分年限扣捐庶報銷均歸實在而工用亦免虛懸臣等往復剴商意見相同謹合詞具奏再查挑挖引河必須深通方能暢順撈淤戽水倍費工力例價實有不敷向來江南挑河工程經奏明酌加幫價於通省分年捐廉歸款此次邵工挑挖引河正河俟工竣後核實土方銀數除例價仍照例分別賠銷其幫價一項應照現議料物幫價之例亦於漫工應賠各員名下按股認賠四成其餘六成於兩省各官養廉內分年攤捐還款爲數亦屬無多合并

陳明奉

上諭費淳等奏請將河工幫價仍於江蘇安徽及河工各員養廉攤扣一摺此次堵合漫口例價不敷前該督等奏請以四成著落漫口各員分賠其六成在於上下江各員養廉攤扣經軍機大臣議奏未准原恐不肖之員或借養廉攤扣爲名虧缺庫項甚至擾派閭閻皆所不免是以降旨令該督撫等再行妥議今費淳吳璥會同上下江巡撫具奏約計攤廉數目每年各官所捐不

過十分之一在道府以上養廉固屬優厚卽州縣以所得之養廉合之應捐分數每年不過數十兩至一百數十兩而止亦屬無多不致有藉端虧缺派累等事請仍准將六成幫價在於江蘇安徽兩省督撫司道府州縣及河道總督暨河工道員丞倅按照養廉攤扣數目既屬無多且要工緊急卽著照該督等所請辦理但仍當嚴察所屬設有不肖劣員因此無多捐項或藉口派累閭閻虧短公項必當隨時指參以示懲儆其另片所奏挑河幫價一項亦著照所奏辦理又據奏現在購辦料物及籌辦興工事宜一摺所辦俱妥工次需用料物既據委員分投購辦不特豫省無庸協濟卽山東原議協

撥之料亦可停止該督等此時惟當將引河趕緊分挑豫爲築壩地步一俟霜降後水勢縣弱擇吉興工務期一氣呵成工堅料實早奏合龍喜音勉之望之將此傳諭費淳吳璣並諭岳起荆道乾知之

南河成案續編

是日費淳吳璣奏臣等欽奉

上諭吳熊光奏協撥南河工料未能辦理一摺自屬實在情形河南原有河工歲需其幫價銀兩卽係該省官員攤出現在該省又有軍務豈能接濟他省况向來協撥料物仍將銀兩交至工次並非由豫省運往又何必舍近求遠乎本年江省秋收豐稔目下又值新料登場一切料物自易購辦以期源源接濟無誤要工不必再

令豫省協濟也仍將如何購買料物何時興工之處先行具奏並將湖河水勢情形一併迅速奏聞以慰廛注欽此伏查本年正月邵家壩被燬前河臣康基田以料物收買淨盡無可採購情形具奏經前護河東河臣全保護奏撥運豫東稽料共一千垛麻三十萬斤協濟邵工嗣因屆桃汛水勢已盛漫口難以堵築臣吳璈奏奉

諭旨緩至秋汛後興辦所有原議河南山東協濟料物知會停撥本未起運臣等七月間卽豫爲籌議購料查據道府等稟稱江境南岸之蕭場等縣因被水未能種稻惟北岸尙產稽料亦屬無多其邵工下游轉

運維難腳價更大是以上年秋間康基田堵築邵工雖在新料登場之候卽係派委丞倅彭應燕徐章等在豫省商虞東省曹單等縣招集買運現在漫口未堵本境料少情形亦與去秋相同且料販習慣居奇刁詐百出雖在本工設廠收買仍須於豫東附近江境地方分投採購始可敷用亦可稍杜料戶壟斷之技是以臣等酌定後卽經遴派丞倅四員攜帶銀兩分往本境及豫東交界處所設法購辦其糶麻一項亦已派委熟諳廳員等前赴出產各路採買業於初五日將籌辦緣由具奏茲奉

諭旨令臣等督飭工員上緊購辦不必再令豫省協濟

臣等欽遵

聖諭後嚴飭前派各員上緊分投購運可期源源應手不特豫省毋庸協濟卽山東原議協撥之料亦可不必運送至邵壩開工之期臣等與道將廳營等公同商酌霜降前水力尙旺消長難定若遽議開工轉非慎重之道且計算挑河約需兩月餘方能竣事若先行築壩將口門收窄以待引河挑竣放水則需日較多口門淘刷愈深壩身喫重必須籌計挑工壩工日期先後湊合方可一舉成功是以臣等先將引河段落估定是月望後水勢漸減汛務較少各文武工員可以分身往辦現已派委廳營汛弁一百數十員飭

續行水金鑑卷二十九

河水三

令月內卽行分挑一面趕緊購貯料物俟霜降後察看水力絲弱卽擇吉興築壩工詳慎辦理

南河成案續編

九月二十四日費淳吳璈奏查邵家壩下至石林工一帶係淤厚最要之區南北兩岸河面寬二十餘里河溜向分兩股其近南岸者係舊黃河至蕭南廳屬之嚴工坐灣東注其在北岸者爲順隄河緊靠豐北廳屬之蟠龍集唐家林闕家林石林等工下注每年大汛兩岸均受危險迨邵家壩漫口後水由旁洩不但舊河身全行淤平卽舊淤老灘亦普面更加淤墊臣等悉心籌酌如由南岸之舊黃河開挖未免紆遠費大如就北岸之順隄河開挖河身偏臥一邊蟠龍



集唐家林闕家林石林等處俱成險工莫若就中間取直估挑則南北兩岸舊工均可避險就平以收一舉兩得之益其自石林工下至三山頭淤沙漸減間有河形自應按淤土之厚薄定挑濬之淺深分別擇要以歸樽節惟各段挑工道里縣長土性亦甚不一有膠泥沙土澇淤之別膠泥沙土層層相間尙易施工其澇淤處所人夫不能站立須用括板推板將稀淤歸入溝槽方能兜鬲上崖辦理較爲費事誠恐各工員畏難或致草率偷減臣等督同道府等往來嚴行查察務使處處如式以期一律宣通至需用正雜各料內糞草纜槓等項現已陸續運工惟稽料需用

數千堆非多爲設廠收買不能迅速河工武職及微末汛員旣不可經手錢糧而丞倅又僅有十數員除派委挑河築隄掌壩等緊要差使外僅餘四員分赴豫東境內採辦而近工亦須收買以濟緩急實無可委之人臣等於附近大工數縣內遴選一二幹員幫同就近購買查本年料物奏明另加幫價照民間時值交易所有價銀俱隨時由總局各道員現發委員領辦其見共聞旣無從影射派累亦可無藉口虧挪且臣等駐工時刻稽查稍有風聲無難立時究辦斷不任其滋弊乃如此公平核實而料販刁詐成習其自豫東境內販來者旣以道遠昂價近工民戶又以

產料較少囤積居奇河員本呼應不靈頗形掣肘臣等因將拯救災黎保護桑梓之義以及規定章程不但不派民間出料復蒙

聖恩加給幫價公平現買之處明白出示層層曉諭又經淮徐道田自福候補道沈啟震率同碭山縣知縣王逢源勸令馴善之戶先辦數垛以爲之創遠近民人目擊價值俱給現銀又無短扣來工堆垛者始得漸多此後聞風雲集自可無缺乏之虞至壩工首重壩基既不可使兜水入袖並須溜勢直趨引河頭放河時始成吸川之勢茲率同道將等相度於舊西壩之北移上三十丈安設壩基頗爲得勢現在引河已

挑有四分工程兩壩料物亦可漸資應用擇於九月二十四日開工築壩必須一占到底再進一占務期步步穩實一氣呵成奉

上諭費淳吳璫奏現辦邵工挑河集料情形並擇吉興築大壩一摺覽奏俱悉現在霜降已過湖河平穩該督等趁人齊料集之時趕緊挑河築壩所有相度引河地勢避險就平及建壩進占挑淤購料之處籌辦俱屬妥協該督等於河工情形自俱熟悉朕亦不爲遙制此時惟在費淳等督率工員實力妥辦務期於冬至日以前合龍穩固朕必將該督等及在工出力人員一體加恩至承辦各工員自辦理之初劉普後諒各知儆畏不敢

仍前營私舞弊但該督等亦當隨時稽察儻尙有不肖官吏因帑項較裕復蹈積習偷工減料及浮濫冒銷情事費淳等卽當據實嚴參不可稍有瞻徇

南河成案續編

十月十二日費淳吳璥奏邵工引河正河自興挑以來各工員皆奮勉儻辦計一百二十五分原估工段將次完竣惟原估時就地勢之高下定丈尺之寬深雖已詳細較準而工長一百七十餘里亦不能不稍有參差現已挑成河形其高矮不平及寬窄未協處所顯而易見臣等復率同道府等履勘確切將必應展寬加深之處分別續估又各段內間有膠黏油泥不能如沙土易於刷動尤須加展挑淨俾放河時得

以建瓴暢注現飭工員添雇人夫上緊趕辦務於原估長河統限出月初旬一律全竣以備啟放至壩工已築成九十餘丈本擬一齊進埽因察看情形現今大溜向北岸掃灣而來向東直趨引河頭形勢極爲順利但引河頭在東壩之東北若東壩過於接長則正溜挑向西壩恐與引河頭漸遠將來放河不能得勢必須先儘西壩向前接築俟兩壩相近再行同時進占則溜勢直奔引河頭一經啟放卽成吸川之勢方合機宜臣等與道將府廳等虛心熟酌眾議僉同是以先從西壩一面進埽核計將近東壩卽行出占並進趕緊堵合亦可不至濡遲現在天色晴朗尙不

甚冷臣等飭令加做夜工以補晝日所不及並多派  
官弁兵夫分作兩班更替庶不致過於疲乏仍親身  
督辦以策勵其力復時加捐賞以鼓舞其心各官兵  
頗爲踴躍奮興爭先趨事所需正雜料物亦俱源源  
應手均無缺乏

南河成  
案續編

十一月初三日費淳吳璫奏查挑浚引河正河原估  
續估各工現已陸續報竣臣等督同道府等逐段履  
勘丈尺均屬敷足實無偷減草率等弊現今將埂界  
啟除先行試放清水察勘河底如尙有不平之處隨  
卽趕緊收拾初十日內卽可普律全竣但大壩口門  
尙寬數十丈必須俟收窄時上游來水儘力擊蓄有

續行水行金鑑卷二十九

河水 三

不能抑遏之勢然後將引河啟放則建瓴下注方爲  
得力是以引河仍堅守不令早放待至勢有可乘再  
爲相機啟壩俾得暢達東行至大壩工程前恐東壩  
築長引河形勢不順先儘西壩趕辦近日西壩已較  
東壩多築數十丈足以挑溜東趨應令兩壩一同進  
占以免遲緩計興工一月有餘兩壩共已築成一百  
二十餘丈而口門愈窄逼溜愈緊水勢日見刷深壩  
身挺入河心力與水爭實爲喫重必須格外并力施  
功庶可步步穩實臣等日夕親督文武各員每下一  
埽必使層土層柴追壓到底至出水後又將壩臺加  
高多壓重土逐日所進各埽均屬屹立堅實在事官

兵人等雖晝夜力作實無刻暇凡有出力者臣等隨時獎賞以示鼓勵再向來大工於正壩後必須築做二壩一道兜住壩下積水則正壩藉以擎托更可毫無滲漏現亦趕緊興築以資重門保障

南河成案續編

是月十五日費淳吳璥奏邵工引河正河抽溝各工役業已一律全完啟除埂界試放清水勢若建瓴可期通暢無阻至大壩工程計興工四十餘日晝夜儼辦兩壩其已築成一百七十餘丈僅存口門十餘丈臣等前月奏報情形一摺欽奉

硃批恐凝凍之工不能經久欽此查十月以來天氣尙屬晴和間有凝凍日中亦卽融化臣等謹遵

續行水金鑑卷二十九

河水 三

指示督令工員於日出後地脈暄和時多壓重土皆得融潤平勻可資經久並於正壩上水跟鑲邊埽下水又幫築裏餞實屬步步堅穩毫無閃失原可於望前合龍惟因上游寒凍較甚本月初二三日卽有流澌由豫東下注漸積漸多至初七日夜陡發西北大風一晝夜氣候頓寒冰凌愈聚自引河頭之西北至大壩金門之上壅結一片雖水底仍復行溜而築壩更宜詳慎臣等督飭多雇船隻派撥弁兵攜帶敲冰器具將引河頭至金門一帶并力敲打俾得漸次疏通並於埽前多挂逼凌棒板益加小心鑲築所進各埽仍極堅穩惟於儼緊之中倍宜慎重連日天氣較寒

俟數日內稍覺暄暖卽乘時相機一面放河一面堵合俟合龍穩固卽行馳奏仰慰

聖懷

南河成案續編

是月二十一日費淳吳璥奏邵壩大工因冰壅天寒少爲停待業將慎重酌看情形於十五日奏

聞迨十六日午間氣候晴暖臣等察看口門僅存十餘丈正應乘時儻辦卽督令兩壩官兵同時進埽連夜趕築至十七日祇存口寬四丈水勢刷深至七丈餘溜急力猛而業經做成之壩工一百八十餘丈屹立堅凝隨往引河頭相度情形水高溜緊卽飭將引河頭土壩啟除乘機開放水勢蓄極而通頃刻奔騰直

續行水金鑑卷二十九

河水 五

入引河立見金門大溜掣向東趨則口門堵合正在其時臣等卽於十八日督同道將等各工員挂纜趕築層土層柴追壓到底龍門卽日堵合一面將壩前邊埽並壩後裏戩儻緊跟鑲以資重重攔禦幸天氣暄和土脈融潤大小各員亦俱齊心奮勵并力施工計三晝夜細察大壩兩面封堵堅厚已無涓滴滲漏並有二壩重門擎托實屬穩固查引河爲黃水歸路若稍不順暢則壅滯壩前必致壩身喫重臣等於放河之前豫派弁兵沿河查探水勢茲據接續馳報所挑新河一律深通實有建瓴之勢是以水頭迅駛如箭兩岸旋即塌寬一二十丈河泓刷深丈餘至一丈

七八尺不等流漸隨溜過行亦復毫無阻礙十七日亥時卽行過三山頭以下十九日已達清口匯淮入海之路河歸故道順軌安流至此次引河處處深通壩工步步穩實而約計所用銀料較歷次大工樽節不少承辦各員實爲認真奮勉臣等不敢壅於上聞謹擇其最爲出力者另列清單呈奏奉

上諭費淳等奏邵工合龍河歸故道一摺覽奏欣慰此皆仰賴

河神垂佑得以合龍蕙事特頒發藏香二十枝交該督等敬謹祀謝用答

神庥此次堵築邵壩費淳吳璥督率將弁等晝夜趕築

續行水金鑑卷二十九

河水三

壩工穩實開挑引河深通得力用能掣溜東趨甚爲奮勉除前次奏報秋汛安瀾業將伊二人交部優敘此次毋庸再行議敘外費淳吳璥俱著加恩賞給太子少保銜仍賞費淳吳璥舒綸馬褂各一件黃辮大荷包各一對小荷包各四個用昭優獎至該工大壩現在兩面封堵堅厚已無涓滴滲漏並有二壩擎托自可一律鞏固而一切防守善後事宜尙須經理盡善費淳吳璥俱著暫畱工次督率查察加意慎重俟實在穩固可靠再行各回本任

南河成案續編

十二月三日費淳吳璥奏邵工合龍後於前月二十一日察看情形實已堅穩始行具奏復督率文武員

弁將正壩加壓重土高出水面二丈四五尺屹立如山並將二壩築成以資重障查合龍之始全黃驟入新河湧注而東下游水勢日見增長迨二十三日以後測量新挑河內水已消落二尺有餘因全黃已達入海之路下游掣動上游漸消此新河業已通暢之明驗且正壩埽前水深本有四五丈不等因大溜全歸新河壩前逐漸停淤水深僅及丈許俱係清水蕩漾並不行溜大壩更爲穩固查邵工以下舊河已乾涸年餘各處埽壩工程多有朽腐雖開放引河之前已令各該廳等將迎溜工段確勘鑲修而黃水初復故道形勢有無遷移埽工是否穩妥非親往勘辦難以憑信是以於大工合龍後料理旬日細察情形實已堅穩卽遴委道員和騰額沈啟震會同該管道將等仍駐工次防守臣費淳從北岸循隄履勘臣吳璥從南岸沿河確查禦水各工俱已鑲修穩實並一路察看溜勢沛然暢注迅駛朝宗沿途官民無不同深欣慶實可上慰

聖懷

南河成案續編

是月十二日費淳吳璥奏邵工合龍已逾兩旬惟通河大勢敞壞已久此日初復故道來年各工防守事宜尤須豫籌周密伏查黃河受病之處皆在徐屬一帶緣豐曹睢邵等工連年漫溢前淤未刷後淤復增



致徐城上下阻塞幾及二百里河灘日見淤高大隄日形卑矮此次疏濬舊河雖已深通暢注亦止能就河心抽挑勢不能將寬至一二十里之灘面全行啟除必須三汛水長時仍藉水力衝刷始能日加寬深然欲束水以攻沙必先藉隄以束水是幫培南北兩岸大隄最爲要務臣等於合龍後復周歷兩岸細勘已將緊要各隄工估定加培丈尺並豫行遴派幹員俟春和土脈融化卽分段興工趕緊辦理務於汛前完竣俾資捍衛至南岸毛城鋪減水石滾壩係前河臣靳輔所建每年分減盛漲之水由洪濰等河歸入洪澤湖實爲最要關鍵繼因大河河底漸高每一啟

放易致掣溜前河臣高斌復於唐家灣地方開挑倒鉤引河並於榮家壩三壩集一帶陸續加築民堰一道以爲外護俾分減之水由倒鉤河循軌而入規制最爲盡善無如近年河灘愈高內地益形低窪而毛城鋪上下大隄因工費較繁未能修復高厚每遇民堰過水浸及大隄遂有岌岌可危之勢臣等悉心籌酌明年盛漲時若不照舊制啟放毛城鋪滾壩恐大河難以容納若藉爲減洩異漲之路又恐建瓴而下吸溜堪虞因查三壩集三岔河一帶民堰直接至定國寺地勢比大隄較高距邵家壩已退後七八里勢亦舒展不致逼近大河與水爭地將該處堰工加築

高寬於舊河形內添築碎石滾壩一座並將唐家灣引河照舊挑挖深通如遇汎水盛漲聽其由三壩集滾壩過水歸毛城鋪下注庶可因地制宜節宣有準則舊隄既得新堰以爲外護而新建之石滾壩水漲藉以分減水落自能斷流可收宣洩之益亦無奪溜之虞其毛城鋪上下大隄尙應加築石壩亦須加高數層需費稍多應俟三壩集堰工辦竣再爲培修以資重障現已委員趕購石料確核土方統俟春融卽行集夫儻辦限三月內一律妥竣臣等仍往來督率稽查務期修防鞏固不任稍有浮糜以冀長保安瀾奉

上諭毛城鋪減水石壩原爲分洩大河水勢而設一遇盛漲之年自應照舊啟放但恐水勢建瓴而下吸動大溜所關非細今費淳等欲將三壩集三岔河一帶民堰加築高寬於舊河形內添築碎石滾壩並將唐家灣引河照舊挑挖深通因地制宜可收宣洩之益自當如此辦理其毛城鋪上下大隄亦當加高數層以束水勢卽需費稍多亦所不靳著責成該督等督飭工員認真妥辦於明年三月內一律告竣務期工歸實用費不虛糜爲一勞永逸之計

南何成  
案續編